

664 Daz lobten si al geliche.
die herzoginne rîche
si vrâgten, ob daz her wäre ir.
diu sprach: »ir sult gelouben mir,
5 ich erkenne dâ weder schilt noch man.
der mir ê schaden hât getân,
der ist lîhte in mîn lant geriten
unt hât vor Logroys gestriten.
ich wæne, die vant er doch ze wer;
10 si heten strît wol disem her
an zingeln unt an barbigân.
hât dâ rîterschaft getân
der zornige künec Gramoflanz,
sô suochter gelt vür sînen kranz;
15 oder swer si sint, die muosens sper
ûf geriht sehen durch tjoste ger.«
Ir munt in louc dâ wêne an.
Artus schaden vil gewan,
ê daz er kœme vür Logroys.
20 des wart etslich Bertenoys
ze rechter tjost ab gevalt.
Artuses her och wider galt
market, den man in dâ bôt.
si kômens ze bêder sît in nôt.
25 Man sach die strîtmüden kommen,^K
von den sô dicke ist vernomen,
daz si ir kotzen gerne werten;
si wâren gegen strîte die herten.
Beidenthalp ez mit schaden stêt.
30 Garel unt Gaherjet

*D: D *m: m Fr69 (664.1–2 und 5–8) *G: G I L Z *T (Q): Q V

1 Initiale D G L Z 5 Initiale I 17 Majuskel D 25 Initiale I · Majuskel D 29 Initiale D

4 diu] si *m 5 weder] om. *m L 6 der mir ie (ê Fr69) hât schaden getân, *m 11 barbigân] Barbegan D 15 die] si *m 24 kômens] kömen *m 25 strîtmüden] strîtmüde *m